

## RHAN 1

### Gweithfeydd Awdurdodedig

#### Gwaith Rhif 1

Gorsaf gynhyrchu llanwol alltraeth sydd â chapasiti trydanol gros i gynhyrchu hyd at 240 megawat o fewn ardal yr araeau sy'n cynnwys:

- (1) hyd at 620 o ddyfeisiau llanwol ar unrhyw un adeg benodol sy'n cynnwys
  - (a) dyfeisiau llanwol o dan yr wyneb ar wely'r môr sy'n cael eu hatodi i wely'r môr drwy:
    - (i) sylfaen disgrychiant; neu
    - (ii) sylfeini o fath piler unigol; neu
    - (iii) sylfeini o fath aml-biler;
  - (b) dyfeisiau llanwol colofn dŵr canol ac sy'n cael eu clymu wrth wely'r môr drwy naill ai:
    - (i) sylfaen disgrychiant;
    - (ii) sylfaen o fath piler unigol;
    - (iii) sylfaen o fath aml-biler; neu
    - (iv) eu hangori wrth sylfaen disgrychiant; sylfaen o fath piler unigol neu sylfaen o fath aml-biler;
  - (c) dyfeisiau llanwol arnofiol neu sy'n codi o'r wyneb ac sy'n cael eu clymu wrth wely'r môr drwy naill ai:
    - (i) sylfaen disgrychiant;
    - (ii) sylfaen o fath piler unigol;
    - (iii) sylfaen o fath aml-biler; neu
    - (iv) eu hangori wrth sylfaen disgrychiant; sylfaen o fath piler unigol neu sylfaen o fath aml-biler;
- (2) rhwydwaith o geblau ar gyfer trawsyrru trydan a chyfathrebu electronig a osodir ar neu o dan wely'r môr gan gynnwys croesfannau ceblau rhwng—
  - (a) unrhyw un o'r dyfeisiau llanwol sy'n cynnwys Gwaith Rhif 1(1);
  - (b) unrhyw un o'r dyfeisiau llanwol sy'n cynnwys Gwaith Rhif 1(1) a hybiau gweithredol sy'n cynnwys Gwaith Rhif 1(3) ac unrhyw un o'r gweithfeydd sy'n cynnwys Gwaith Rhif 2; neu
  - (c) unrhyw hwb sy'n cynnwys Gwaith Rhif 1(3) a chebl sy'n cynnwys Gwaith Rhif 2;
- (3) hyd at 120 o hybiau gweithredol alltraeth sy'n cynnwys:
  - (a) hyd at 120 o hybiau ar wely'r môr, yn gyfan gwbl o dan y dŵr, hybiau sy'n cael eu clymu wrth wely'r môr drwy sylfaen disgrychiant, sylfaen o fath piler unigol neu sylfaen o fath aml-biler; neu
  - (b) hyd at 93 o hybiau arnofiol sy'n codi o'r wyneb sy'n cael eu hangori wrth wely'r môr drwy sylfaen disgrychiant, sylfaen o fath piler unigol neu sylfaen o fath aml-biler; neu
  - (c) hyd at 8 hwb gweithredol alltraeth ar wely'r môr sy'n codi o'r wyneb sy'n cael eu clymu wrth wely'r môr drwy sylfaen disgrychiant, sylfaen o fath piler unigol neu sylfaen o fath aml-biler;
- (4) hyd at 60 o fwiau mordwyol a marcio;

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

- (5) hyd at 40 o broffilwyr ceryntau doppler acwstig;
- (6) hyd at 8 o unedau monitro amgylcheddol ar wely'r môr;
- (7) hyd at 5 o fwiau monitro amgylcheddol ar lefel y môr; a
- (8) croesfannau ceblau a chysylltwyr i cysylltu Gwaith Rhif 1(2) a Gwaith Rhif 2.

### Gwaith Rhif 2

Hyd at 9 cebl allforio, pob un yn cynnwys ceblau ar gyfer trawsyrru trydan a chyfathrebu sy'n cael eu gosod o fewn y corridor ceblau allforio ar neu o dan wely'r môr rhwng Gwaith Rhif 1 a Gwaith Rhif 3 gan gynnwys diogelwch ceblau, croesfannau ceblau a chysylltwyr.

### Gwaith Rhif 3

Hyd at 9 cebl allforio, pob un yn cynnwys ceblau ar gyfer trawsyrru trydan a chyfathrebu o fewn yr ardal rynglanw naill ai wedi'u gosod o dan y ddaear, ar wyneb y blaendraeth neu o fewn hyd at 9 ffos agored wedi'u torri ynghyd â diogelwch ceblau a chysylltu Gwaith Rhif 2 a Gwaith Rhif 4.

### Gwaith Rhif 4

Hyd at 9 cebl allforio, pob un yn cynnwys cebl ar gyfer trawsyrru trydan a chyfathrebu sy'n cael ei osod naill ai o dan y ddaear, dros arwyneb clogwyn y blaendraeth a phen y clogwyn neu o fewn hyd at 9 ffos agored wedi'u torri ynghyd â diogelwch ceblau rhwng Gwaith Rhif 3 a'r cyd-gilfachau trosglwyddo sy'n ffurfio Gwaith Rhif 5.

### Gwaith Rhif 5

Gwaith sy'n cynnwys hyd at 9 cyd-gilfach drosglwyddo sy'n cysylltu Gwaith Rhif 4 â Gwaith Rhif 6.

### Gwaith Rhif 6

Hyd at 9 chebl allforio, pob un yn cynnwys un neu fwy o gyfryngau dargludo ar gyfer trawsyrru trydan a chyfathrebu sy'n cael eu gosod o dan y ddaear ac yn cysylltu Gwaith Rhif 5 â'r is-orsaf drydanol y cyfeirir ati ym Mhennod 2 o Ran 2 o'r Atodlen 1 hon.

### Gwaith Rhif 7

Hyd at 6 chebl allforio ar gyfer trawsyrru trydan a hyd at 2 gebl cyfathrebu sy'n cael eu gosod o dan y ddaear a chyd-gilfachau trosglwyddo a chysylltu'r is-orsaf drydanol â'r seilwaith offer switsio, y cyfeirir at bob un ym Mhennod 2 o Ran 2 o'r Atodlen 1 hon.

### Gwaith Rhif 8

Hyd at 6 chebl allforio ar gyfer trawsyrru trydan, pob un yn cynnwys un neu ragor o gyfryngau dargludo a hyd at 2 gebl cyfathrebu sy'n cael eu gosod o dan y ddaear, gan gynnwys cyd-gilfachau trosglwyddo o'r seilwaith offer switsio y cyfeirir ato ym Mhennod 2 o Ran 2 o'r Atodlen 1 hon i Waith Rhif 9.

### Gwaith Rhif 9

Hyd at 6 chebl allforio ar gyfer trawsyrru trydan, pob un yn cynnwys un neu ragor o gyfryngau dargludo a hyd at 2 gebl cyfathrebu sy'n cael eu gosod drwy ddriliau cyfeiriadol gorweddol o dan yr A55 a llinell reilffordd Llinell Arfordir Gogledd Cymru sy'n cysylltu Gwaith Rhif 8 â'r gweithfeydd cysylltu â'r grid y cyfeirir atynt ym Mhennod 2 o Ran 2 o'r Atodlen 1 hon.

## RHAN 2

### Gweithfeydd Pellach

#### PENNOD 1

- (1) Caiff yr ymgymerwr o fewn terfynau'r Gorchymyn ar y môr adeiladu, cynnal a chadw a gweithredu'r cyfryw weithfeydd canlynol ag sy'n angenrheidiol neu'n hwylus at ddibenion adeiladu,

gweithredu, cynnal a chadw, ailbweru a datgomisiynu'r gweithfeydd llanwol, neu at ddibenion ategol, sef—

- (a) angorfeydd dros dro neu barhaol neu fodd arall i ddarparu ar gyfer cychod a llongau wrth adeiladu neu gynnal a chadw'r gweithfeydd awdurdodedig;
  - (b) bwiau, goleuadau, ffenders a gweithfeydd eraill sy'n rhoi rhybuddion mordwyol neu'n diogelu rhag trawiadau â llongau;
  - (c) gwaith i newid lleoliad cyfarpar, gan gynnwys ceblau;
  - (d) y cyfryw weithfeydd a chyfarpar, offer a pheiriannau eraill o ba natur bynnag y bo ag sy'n angenrheidiol neu'n hwylus.
- (2) Caiff yr ymgymerwr o fewn terfynau'r Gorchymyn ar y tir adeiladu, cynnal a chadw a gweithredu'r cyfryw weithfeydd canlynol ag sy'n angenrheidiol neu'n hwylus at ddibenion adeiladu, gweithredu, cynnal a chadw, ailbweru a datgomisiynu'r gweithfeydd ar y tir, neu at ddibenion ategol, sef—
- (a) gwaith tirlunio a sgrinio;
  - (b) caeadleoedd a mannau storio;
  - (c) creu pyllau tynnu ar gyfer llwybr y ceblau ar y tir;
  - (d) mannau arwyneb caled ar gyfer cyd-gilfachau trosglwyddo;
  - (e) cysylltiadau â'r rhwydwaith ffonau a'r rhwydwaith dŵr;
  - (f) gweithfeydd er budd y tir y mae'r gweithfeydd awdurdodedig yn effeithio arno neu er mwyn diogelu'r tir y mae'r gweithfeydd awdurdodedig yn effeithio arno;
  - (g) gwaith i newid lleoliad cyfarpar, gan gynnwys ceblau; neu
  - (h) y cyfryw weithfeydd a chyfarpar, offer a pheiriannau eraill o ba natur bynnag y bo ag sy'n angenrheidiol neu'n hwylus.

## PENNOD 2

Heb ragfarnu cyffredinolwydd Pennod 1 uchod caiff yr ymgymerwr o fewn y tir a bennir yng ngholofn (2) o'r tabl isod adeiladu'r gweithfeydd a grybwyllir yng ngholofn (3)

(1) <i>Ardal</i>	(2) <i>Rhif y parsel o dir a ddangosir ar blaniau'r tir</i>	(3) <i>Disgrifiad o'r Gweithfeydd</i>
Sir Ynys Môn	10	<p>Is-orsaf drydanol sy'n cynnwys—</p> <ul style="list-style-type: none"> <li>— is-orsaf drydan ag offer awyru ac oeri cysylltiedig;</li> <li>— cebl sy'n cysylltu'r is-orsaf â'r ceblau allforio sy'n rhan o Waith Rhif 6 a Gwaith Rhif 7;</li> <li>— adeilad ar wahân ar gyfer cyfarpar a ddefnyddir i storio ynni trydanol;</li> <li>— swyddfeydd a chyfleusterau lles cysylltiedig;</li> <li>— caeadle adeiladu;</li> <li>— pyllau ar y cyd cysylltiedig â mannau arwyneb caled;</li> <li>— maes parcio, â mannau gwefru cerbydau trydan; ac</li> <li>— adeiladu gweithfeydd mynediad o Ffordd Ynys Lawd.</li> </ul>

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(1) <i>Ardal</i>	(2) <i>Rhif y parsel o dir a ddangosir ar blaniau'r tir</i>	(3) <i>Disgrifiad o'r Gweithfeydd</i>
Sir Ynys Môn	38a	<p>Seilwaith gan gynnwys gweithfeydd cysylltu'r grid â'r rhwydwaith dosbarth ac sy'n cynnwys—</p> <ul style="list-style-type: none"> <li>— hyd at 6 chebl allforio ar gyfer trawsyrru trydan a hyd at 2 gebl cyfathrebu;</li> <li>— adeilad offer switsio ac anecs mesur cysylltiedig.</li> </ul>
Sir Ynys Môn	48, 49 a 50	<p>Gweithfeydd cysylltu'r grid â'r rhwydwaith trydan presennol sy'n cynnwys—</p> <ul style="list-style-type: none"> <li>— hyd at 6 chebl allforio ar gyfer trawsyrru trydan a hyd at 2 gebl cyfathrebu;</li> <li>— hyd at 4 adeilad;</li> <li>— systemau storio ynni gyda seilwaith cysylltiedig;</li> <li>— ceblau ar gyfer trawsyrru trydan;</li> <li>— ceblau cyfathrebu;</li> <li>— cilfach gysylltu sy'n cynnwys—</li> <li>— ynyssydion;</li> <li>— torwyr cylchedau;</li> <li>— cyfarpar cyflyru pŵer.</li> </ul>

## RHAN 3

### Ardal ar gyfer Gweithfeydd Llanwol

*Ardal Araeau, corridor ceblau allforio ac ardaloedd cyfyngedig*

(1) <i>Cyfesurynnau grid ar gyfer</i>	(2) <i>Hydredd</i>	(3) <i>Lledredd</i>
Ardal Araeau ( <i>fel y'i dangosir yn Ffigur 1-1 o'r datganiad amgylcheddol</i> )		
1	04° 44' 8044"Gn	53° 20' 0232"G
2	04° 45' 8658"Gn	53° 17' 4900"G
3	04° 45' 8658"Gn	53° 15' 5400"G
4	04° 41' 4552"Gn	53° 15' 5400"G
5	04° 41' 0129"Gn	53° 15' 9503"G
6	04° 42' 5328"Gn	53° 18' 3882"G
7	04° 41' 2896"Gn	53° 20' 0232"G
Coridor Ceblau Allforio ( <i>fel y'i dangosir ar Ffigur 1-1 o'r datganiad amgylcheddol</i> )		
5	04° 41' 0129"Gn	53° 15' 9503"G

(1) Cyfesurynnau grid ar gyfer	(2) Hydredd	(3) Lledredd
6	04° 42' 5328"Gn	53° 18' 3882"G
7	04° 41' 2896"Gn	53° 20' 0232"G
8	04° 40' 8918"Gn	53° 19' 4553"G
9	04° 42' 1572"Gn	53° 18' 3923"G
10	04° 41' 4538"Gn	53° 18' 0234"G
11	04° 41' 3192"Gn	53° 17' 9827"G
a rhwng y cyfesurynnau sy'n cynnwys pwynt 11 uchod yn dilyn lefel penllanw cymedrig y gorllanw a'r cyfesurynnau sy'n cynnwys pwynt 12 isod		
12	04° 41' 0437"Gn	53° 17' 4793"G
13	04° 41' 4248"Gn	53° 17' 2703"G
14	04° 41' 1701"Gn	53° 16' 8109"G
Ardal Gyfyngedig – Gogleddol ( <i>fel y'i dangosir ar blan yr ardal gyfyngedig</i> )		
3	4° 42' 1615"Gn	53° 19' 4682"G
4	4° 44' 0251"Gn	53° 19' 4682"G
5	4° 44' 9249"Gn	53° 18' 9282"G
6	4° 44' 9249"Gn	53° 18' 2196"G
17	4° 42' 5741"Gn	53° 17' 7330"G
16	4° 42' 9827"Gn	53° 18' 3882"G
19	4° 43' 7090"Gn	53° 18' 2230"G
Ardal Gyfyngedig – UKC 20m ( <i>fel y'i dangosir ar blan yr ardal gyfyngedig</i> )		
1	4° 41' 2896"Gn	53° 20' 0232"G
15	4° 44' 8044"Gn	53° 20' 0232"G
14	4° 45' 8658"Gn	53° 17' 4900"G
13	4° 45' 8658"Gn	53° 15' 5400"G
12	4° 41' 4552"Gn	53° 15' 5400"G
11	4° 41' 0129"Gn	53° 15' 9503"G
10	4° 41' 1864"Gn	53° 16' 2282"G
8	4° 44' 0251"Gn	53° 16' 2282"G
7	4° 44' 9249"Gn	53° 17' 3082"G
5	4° 44' 9249"Gn	53° 18' 9282"G
4	4° 44' 0251"Gn	53° 19' 4682"G
2	4° 41' 7116"Gn	53° 19' 4682"G

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(1) <i>Cyfesurynnau grid ar gyfer</i>	(2) <i>Hydredd</i>	(3) <i>Lledredd</i>
Ardal Gyfyngedig – UKC 8m ( <i>fel y'i dangosir ar blan yr ardal gyfyngedig</i> )		
2	4° 41' 7116"Gn	53° 19' 4682"G
3	4° 42' 1615"Gn	53° 19' 4682"G
16	4° 42' 9827"Gn	53° 18' 3882"G
9	4° 41' 6363"Gn	53° 16' 2282"G
10	4° 41' 1864"Gn	53° 16' 2282"G
18	4° 42' 5328"Gn	53° 18' 3882"G

Erthygl 3

## RHAN 4

### Dogfennau i'w cyflwyno ac i'w cymeradwyo gan Weinidogion Cymru

(1) <i>Dogfen</i>	(2) <i>I'w chymeradwyo cyn y camau gweithredu hyn</i>
Cynllun Rheoli Ceblau	Cyn cychwyn ar unrhyw weithfeydd llanwol cysylltiedig
Cynllun Rheoli Amgylcheddol Adeiladu	Cyn cychwyn ar unrhyw weithfeydd llanwol cysylltiedig
Rhaglen Ddatgomisiynu	Cyn datgomisiynu unrhyw weithfeydd llanwol cysylltiedig
Strategaeth gwella bioamrywiaeth forol fanwl	Cyn pob un o'r gweithgareddau a ganlyn: — cychwyn ar unrhyw weithfeydd llanwol cysylltiedig — ailbweru unrhyw waith llanwol cysylltiedig
Protocol ar Ddefnyddio Dyfeisiau	Cyn defnyddio unrhyw ddyfais lanwol neu hwb gweithredu a fydd— — yn codi o'r wyneb yn yr ardal gyfyngedig neu yng ngweddill ardal yr araeau. — â lle clirio o dan y cêl o lai nag 8 metr islaw'r llanw astronomaid isaf yn yr ardal gyfyngedig – UKC 8m — â lle clirio o dan y cêl o lai nag 20 metr islaw'r llanw astronomaid isaf yn yr ardal gyfyngedig – UKC 20m
Cynllun Lliniaru a Monitro Amgylcheddol	Cyn pob un o'r gweithgareddau a ganlyn— — cychwyn ar unrhyw weithfeydd llanwol cysylltiedig — ailbweru unrhyw weithfeydd llanwol cysylltiedig
Nodi Parthau Archaeolegol Neilltuedig	Cyn cychwyn ar unrhyw weithfeydd llanwol cysylltiedig
Methodoleg Gosod	Cyn cychwyn ar unrhyw weithfeydd llanwol cysylltiedig pan fo angen torri ffosydd ar gyfer gosod ceblau

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(1) <i>Dogfen</i>	(2) <i>I'w chymeradwyo cyn y camau gweithredu hyn</i>
Protocol Lliniaru Mamaliaid Morol	Cyn pob un o'r gweithgareddau a ganlyn— <ul style="list-style-type: none"><li>— cychwyn ar unrhyw weithfeydd llanwol cysylltiedig</li><li>— ailbweru unrhyw weithfeydd llanwol cysylltiedig</li><li>— datgomisiynu unrhyw weithfeydd llanwol cysylltiedig</li></ul>
Cynllun Llygredd Morol Wrth Gefn	Cyn cychwyn ar unrhyw weithfeydd llanwol cysylltiedig
Asesiad Risg Mordwyol Wedi'i Ddiweddaru	Cyn pob un o'r gweithgareddau canlynol— <ul style="list-style-type: none"><li>— cychwyn ar unrhyw waith llanwol</li><li>— ailbweru unrhyw waith llanwol</li><li>— datgomisiynu unrhyw waith llanwol</li></ul>
Cynllun Atal a Rheoli Llygredd	Cyn cychwyn ar unrhyw weithfeydd llanwol cysylltiedig